

近代中國史料叢刊第七十五輯

沈雲龍主編

節菴先生遺詩

梁鼎芬著

文海出版社有限公司印行

節庵先生
遺詩六卷

沔陽盧氏
慎始基齋
稟於武昌

166217/13

黃岡陶子慶承刻

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



舊序

梁子鼎芬選刊所得詩爲二卷曰姑以相娛也始梁子
官編修時發憤彈大臣黜罷年二十七耳吾心壯之後
相見長沙形貌論議稱其所聞而頗欲梁子斂抑意氣
以究觀大道之原去所偏蔽而偕之大適已而梁子棄
鄉里獨居焦山佛寺三四年所學果益異客江夏稍久
又得觀其所爲詩歌幾六七百篇其勤如是私怪梁子
方博綜萬物攷攬古今之大業顧亦習華文耽吟弄效
詞流墨客之爲邪且夫天之生夫人也蘊其志焉又植
其才焉志盛則多感才盛則多營多感多營而必蘄有
以自達古之人皆然當是時天下之變蓋已紛然雜出
矣學術之升降政法之隆污君子小人之消長人心風

俗之否泰夷狄寇盜之旁伺而竊發梁子曰積其所感所營未能忘於心幽憂徘徊無可陳說告語者而優閒之歲月虛寥澹漠之人境狎亘古於旦暮覲萬象於一榻上求下索交縈互引所以發情思蕩魂夢益與爲無窮梁子之不能已於詩儻以是與儻以是與雖然梁子之詩既工矣憤悱之情噍殺之音亦頗時時呈露而不復自遏吾不敢謂梁子已能平其心一比於純德要梁子志極於天壤誼關於國故掬肝瀝血抗言永歎不屑苟私其躬用一己之得失進退爲忻愠此則梁子昭昭之孤心即以極諸天下後世而猶許者也梁子嘗堅余皓首偕隱之約余窳薄朽散不堪效尺寸之用世無智愚得睨而知之梁子刻意厲行且勤求當世之利病宜

非余比然今日之建賢選能立事就功風尚固殊焉士
信不可棄復不稍貶所持曲折以就其繩格即愈厭斥
之不暇日邁月征徙倚天地吾恐梁子之詩將益工且
多行交譏梁子不幸終類於余也梁子於詩喜宋王蘇
氏亦喜歐陽氏遂及於杜韓云光緒十九年八月義甯
陳三立

參校姓氏

仁和邵章伯純

順德黃節晦聞

揭陽曾習經剛甫

順德胡祥麟子賢

清遠朱汝珍聘三

南海黎湛枝潞苑

漢川李熙勤生

江夏傅嶽荼治薌

江陵田潛伏侯

遂安方煒仲先

清和

三

節庵先生遺詩目錄

卷一

古今體詩一百三十三首

卷二

古今體詩一百十九首

卷三

古今體詩一百三十一首

卷四

古今體詩一百四十首

卷五

古今體詩二百九首

卷六

古今體詩一百二十首

刻集非公意也癸丑春間公有三良之志而不得遂事前手書遺言我生孤苦學無成就一切皆不刻今年燒了許多有燒不盡者見了再燒勿留一字在世上我心淒涼文字不能傳出也公子劬以示紹宋及己未夏公病痺一日紹宋詣問乘間叩公所著何不付刊公曰吾不長於文文必不刻詩詞雖意有所託惟燒去已不少今所鈔存僅百餘首他日不可知今則不能示汝耳紹宋因知公非不願刻集特不欲傳其文疇昔遺言蓋有激而發也顧公歿後檢其鈔存之稿不可得乃與陳君慶佑公備謀以小啟遍

徵公詩啟甫脫稿公備下世事遂寢由紹宋獨力蒐輯先得龍氏知服齋叢書樣本二百五十二首繼復百出鈔集積一年得七百四十餘首惟所錄互有異同又多由公往所書扇錄出詩題各異詮次校讐凡八閱月念公生平於詩頗自矜慎今凡涉疑似及尋常酬荅之作未敢輒錄復由閩縣陳太傅師審訂一過曾剛甫黃晦聞胡子賢三君一再商校其龍本則公所及見定爲首二卷紹宋所輯者爲後四卷都凡存詩八百六十二首體公之志尚嫌過多而同人謂難割愛且紀實云至其次第龍本一仍其舊紹宋所編僅就聞知略爲詮次公備既歿知公作

詩年月者較鮮必欲編年則展轉相詢殺青無
日及今不圖人事萬變豈可知也編既成盧君
慎之亟欲爲公刻集徵稿於紹宋因畀以付刻
而謹識崖略於右癸亥四月龍游余紹宋識

節庵先生遺詩卷一

番禺 梁鼎芬

龍文

壽祺

宴集家園賦呈二首

暇日陪清讌端居葆令姿卅年上京夢三月柳花詞有

柳花詞
至佳

愛雨新添竹樓雲舊種芝南樓書史富余意欲

淹遲

閒閒開別館每每表先芬中散狀誰比魯公書不羣先

三十以前學顏
書日盡數紙

哀勞翻益淚寥落恐無聞起視中庭月

清光到夜分

泊古樓村弔鄒吏目

昔者鄒君字汝愚石城流竄由諫書後人追思但歎息
一鳳豈可雜羣狙此閒風俗甚醜直著者李煥君所識

村氓至今稱滿口當時大官卻不得謫仙亭外月如霜
終童壽命奚不長披書更詠獄中句將淚與水流汪汪

同張十六舅

鼎華

文三

廷式

遊永勝寺

閉關惟頌酒出郭始知春僧嬾睡過午鶴馴鳴向人危
芳經雨定深靚入煙勻莫道同遊易追思或愴神

此日閒身在經時淚眼揩

叔父三人遺匱先後

寄此今六叔父未葬淒風驚

落葉淺水熟聞蛙來往紛行跡孤零少好懷擬從蘇晉

後松下設清齋

讀晉書雜詠

太陽昏弱位終虛飛箭傷心暗繫書天下克克實由爾
庾純面折賈公閭

江左偏安負盛名他時狼抗媿難兄伯仁竟死嗟何及

愁絕誠齋論易情

鍾劉一輩委飛灰危日談經只此才莫謂冲齡不解事
也知還我侍中來

安仁才調比蘭芬可惜幽香竟被焚一語快心梅礪叟
如何親寫禱神文

折翼天門事有無庾家羣從好冤誣中原多事須公等
莊老浮華隻手扶

遺民范粲更誰同志父捐身嵇侍中一代史才司馬正
論人誤采蕩陰忠

題王漁洋集

落花飛燕兩微茫絕好樓臺碎玉裝劉勰文心尚聲律
鍾嶸詩品愛閒長一時競許龍鸞手何處能容冰雪腸

晚近涓流沾漑盡香山山谷久荒涼

風雨一首

江海一鳥疾能令人斷魂當風初放幕將雨急修垣若
芋花仍笑蕭疏柳半髡不知千里外眼底孰桃源

庚辰七夕詞

茗茗西北起浮雲鏡約私諧錦段分鳳軫龍梭都不惜
駕橋靈鵲已殷勤

窈窕雲扃乞巧多瓊枝消息遞微波天風鬆卻黃金鎖
故遣佳人會絳河

瓜果金錢綺席開長安城裏笑喧豨杜陵善寫蛛絲態
何止孫樵擅賦才

七夕後一日寄沈寶樞揚州

清秋淨懷抱節換別離長以我戀故國知君悲異鄉
敷榮自蕭艾飄泊到鸞凰不見南來信滄波益渺茫
獨影難隨世深心且閉門萬人並喧寂一水各清渾
近日花多媚因風月有痕輕陰鎖庭院無語但銷魂
耿耿明河冷迢迢世路艱寒蟬鳴有意蒼狗幻無端
當徑休除草幽居學種蘭佳人傾國色合座弄明玕

隔昨鍼樓月近看生遠思腰圍同汝瘦肝病入秋羸老
屋懷先輩所居爲吳柳堂先生故宅平山獨故知百年會須盡相望
一鐙時

凍蠅

一生不曾凍以熱爲性命營營復營營天乃殺其柄回
頭看玉馨可惜冰雪勁

述哀篇

我生四歲始學書日識經字二十餘偏旁點畫不可定
錯亂便倚慈母呼是時家在樂昌縣大人賓客無時無
閒論詩品說劍術小子未解心歡娛親年強盛偶還里
禍患竟爾乘須臾仲秋之月歲乙丑母病虛緊寒痛俱
少頑不識壽親法自此無母悲何如五年冉冉忽長大
十二隨宦過湘湖天胡不惠降凶閔九原從父志罔渝
遺言在耳痛定省忍死遂受人閒污貧喪千里兼幼弱
更有盜賊橫前途艱難待盡命不盡家鄉乞食從諸姑
停喪不葬古有禁時無魯公猶恐誅蹉跎今日始銜土
出自東郭歸北郭旭輪新升積霧散族黨相送還相扶
先人孝惠在眾口因歎盛德憐此孤稚牛而泣亦人子

親戚既沒徒悲吁玉髓竒經豈神諡惟憑吾志驅幽誣
作詩聊告妻與弟知我罪疚猶呱呱

齋中讀書二首

聖人去我遠存者六籍紛遺跡非口授後生觀甚勤往
往一師說反復萬口云吾聞易蠱象育德而振民苟徇
所不屑戈矛已相因前有千年書後有萬載人何以立
天地上荅君與親願持白日心光明照星辰

爲學如登山來萬陟者僅徐行必無躡闊步不到峻所
蔽有厚薄開塞豈由刃荀卿善言解性惡惜未慎剛決
與果敢道乃日月進仁義奉孔孟耿介尊堯舜悠悠總
不濟百年亦何迅

賞春一首

李花豔冶驕陽春千家萬家走馬頻林亭惆悵不斷此
交開獨盛光景新或攜勝侶汎瑤瑟亦招隱士垂綸巾
雌蜺雄蜂不辟路雛鶯乳燕甯畏人十萬金鈴獨汝惜
幾家喬木今爲薪微陰欄檻更媢姁未必頃刻泥與塵
何人更乞不死術慰彼大眾諸苦辛此花此日當此願
焚香鞠踞陳天闥

桃花報友人酌樹下

春寒噤不放被酒多在家溫氣蘇百槁遞入窗前花何
年道士種致此天半霞早開儻易落歡喜又吁嗟少年
會須老貪癡非汝瑕置酒且勿顧仰視雙雲鴉

贈程頌藩

介節今誰匹

一作不偶

新詩我所兄一官長隱市餘子各

傾城讀罷惟清嘯愁來慣獨行胸中挂鐵石不敢負深盟

臘朔自米市胡同移居棲鳳樓

漫與移家作新吟擊壤窩地偏觀物變春近抱天和翔
仞須孤鳳馱書欠二騾看花意園近乘暇一經過

同十六舅遊天甯寺

暮春上旬花未瘥怯穠俚冷蕭寺過游人不盛僧尚卧
棄落風物將如何吾儕豪猛與春競試絜曠抱躋平坡
葱蘢曉樹城郭美蒙密煙草墟墓多死生之樂眾皆有
人苦不覺輸佛陀谷風吹顏酒無力眼看世事如電波
昇平已奏三十祀追論往事同涕沱屏藩不障犬戎毒
周德甚厚天所賤此閒咫尺判和戰旌旗捲掩鳴驄驪

兵塵洗盡臺館出但供荒宴陪懽歌牆陰一綠野苔合
老圃往往耕鋤戈今來思痛倦游賞長松勁節徒爲摩
塔鈴獨語日將暮勸人行樂毋蹉跎

綠陰四首和顧印愚

鸞影飄蕭下舞臺薜蘿香霧不曾開記從銀鹿銜花去
賸有涼蛩聽雨來小院惜惜人中酒隔簾點點燭成灰
笛龍欲喚牆頭月來照當年數尺苔

桂風蘭露自宵宵一角屏山倚翠若誰信漏天能補綴
了無餘地轉迢迢涼雲不整波微動池館生寒雨欲飄
忽憶碧桃春影豔坐愁無計報瓊瑤

淺青人被五銖衣玳押低垂柳一圍簫局嬾殘剛好睡
屨廊隱約問誰歸微聞日午鸚初喚纔漏春光燕又飛

不放門開深院靜夕陽猶未到羅幃
香草千叢欲化煙清霜昨夜落襟前鵝梨燒盡翻銀葉
蜨檻憑餘墜翠鈿讀書微吟成昔昔對琴小坐忽年年
無端木末頻催暝欲上紅鐙幾惘然

初夏

閒窗憶春夢夜雨洗庭莎盡處蟬鳴樹微生鼠飲河有
懷千日醉隨分百年過莫上高臺望黃塵撲面多

彗星二首

不信鯨魚死精芒出十尋占經儒者術去位大臣心夷
狄侵陵久天人儆懼深殷憂堪啟聖微旨玉杯吟

星事沈思見天災顯象呈廟堂勤問故臺省孰據誠久

已誇

一本作從

尊俎何因兆甲兵宗臣劉向在應有諫書成

與潘主事存夜話

此老世不貴深談吾獨能剝須及虎豹憎或到蚊蠅行
路忙雙轂憂時恃一繩郎潛自然好豈惜髮鬚髻

明珠一首

烽火驚傳一載虛明珠消息近何如朱戴形勢千年險
文鳳芳華廿卷書明李文鳳著越嶠書二十卷招撫儘堪關外固網
繆可是域中疏舉棋不定防先著太息時勿孰慰予

鄧給事兄

承脩

新拜內閣侍讀學士之命賦詩爲

賀

近侍絲綸美新頒雨露溫直從百僚底上動九重尊盛
世無朋黨端居念主恩此身應許國不獨在忠言

傷心一首

隨人曲直鉤弦混布被公孫世所稱攬水覓魚定有幾
覆巢來鳳竟安能三司條例嫌苛細上相威權雜愛憎
誰識傷心道旁客無因援手暗沾膺

閻公謠

戶部尚書閻公掌司財賦已來整理搜剔官吏
咸悚近擬裁汰孤寡口糧以節國用貧民憤怨
作是哀之意淺辭煩斬誠聞者世無白傅聊存
此心云爾

聖清重民命忠厚開基長 太后武且仁隻手回金
湯錢刀犒勞役粟米振凶荒上行 列聖德永蔭萬
世昌孤寡至堪憫定例頒口糧行之百餘載未聞有
所妨尚書田閒來悍然嗤舊章彼小兒老婦奚亦竊

太倉有恃不謀生國庫豈債償裁之截其濫獨斷莫
敢搪在官諸少年附和因誇張誰知道路哭上掩日
月光臣聞理財用無政事不良賦稅舊有則江海今
通商歲收八千萬較昔一倍強勇營耗天下極費最
北洋江南多冗官飽食不較量省一營一官勝如算
糶糠漏卮屬情好無告乃可戕用心既不厚行事亦
不祥臣言若誣訕神鬼森在旁憂心日如醒長歌以
慨煉

飲鐵香宅

孤芳節將晏朋酒坐不空永懷理亂迹一較古今衷鉤
曲魚反失羅密雉難蒙物性有如此人情堪會通刻薄
虧至仁寬厚爲大忠請命子可屬沈飲吾未聾

短歌贈鐵香

仁哉鄧子非世生人可司農君獨否爲民誓欲言天聞
彼謀瑟縮歸無有譬如不戰屈人兵先聲所聞眾驚走
一念真能活萬人心非望報終昌後吁嗟乎防川易于
防民口人能改過更何咎閻公閻公亦不醜

出德勝門口號

健德門開曉日光復車未暇數興亡千軍箭鏃岡頭盡
青草秋波似故鄉

途中賦興示寶瑛

閒官意有適走馬出平原雨盡朝霞濕年豐冷店喧白
楊蟬獨翳黃菜蜨仍掀終歲長安道秋懷到此論

行行郊漸遠淡淡日將曛樹裏何年寺路旁誰氏墳經

亡塵護帙碣斷蘚書文思入空微際笙簧世已紛

土城

主昏甘自困天早黑雲垂智化猶題額樊忠惜此鎚切
膚長不寤苦口更安知土阜鳴駝路荒涼共一悲

清河

清流雙塔店小聚幾人家歷歷前朝事停車自買茶

沙河店前百步有明故宮遺址得詩一首

橋過朝宗是酒家

橋在河北萬歷四年夏五月造長二十丈線以石欄

夕陽垂柳

駐青騶雲霾遠塔參差樹月倚行宮寂寞花徑仄蛇涎
防履失櫺疏蟲語入鐙譁珠襦塵土瑤車影空付詞人
說夢華

對月

西風激壯懷軒然不可縛離城纔百里涂徑儼有各室
坐警秋嚴酒行衛神弱纖光曬階左倦轡見籬落勞逸
皆有得生死真可託男兒走塵土苦恨不物若醉時未
思醒明朝已成昨莫令古人笑京華廢邱壑

懷人一首 思道希慶笙也

豫章茁佳木南海有清淵威鳳光照世神龍潛自然感
時多慷慨束物猶拘牽興往思友生悲來涕山川雲浮
西北亘兵氣東南纏殷憂啟明主朗抱披青天音聲均
一竅琴瑟偶兩絃涼飈拂金素夜淺情不眠茗茗千里
曠落落二子賢裁詩屬寒店待札慰長年

出昌平州西門北六里至白石坊寫望

十三陵上樹樹樹挂秋霞鴉影前朝殿騾聲過客車石

坊通輦道雨路辟泥窪殘碣無人讀青盤數尺蛇
泉淬飛橋石門迎落日巒地靈久盤礴人力幾雕刊碧
草麒麟種蒼苔獬豸冠遙思迎謁日旃羽擁金鑾
弓劍橋山夢珠瓊妃子衣往蹤深綠草遺老戀青薇顧
絳祠何在康家冢尚依鍾山松柏好南北願相違
陵門雲物舊林火賊蹤荒定鼎欽天意傳芭禮國殤皇
仁宏愛護宸翰鑒興亡懷古情何極西風細馬裝

長陵碑亭下作

紅門分日色碎石占車路天高插飛亭重簷四層護亭
外柱亦四一柱一龍據中矗三丈碑螭頭下龜跗大書
長陵字神聖嚇童姬迤都一戰後燕師豈易捕齊黃乃
進詞熒惑守心固叔父母使殺不德更增惡喜入金川

門誤見方孝孺玉屑飄零香絲中丞遺文曰金川玉屑芻蕘寶遺著
 入貢三十國不逮幾殘素螺羸獨相似宣廟賴仁恕我
 來悲往事忠節心所苦行宮委荒煙亭東有行宮今亡馬嘶亂
 山暮

冒雨行山陂上

微襟蘊俠奇登山每及雨樹深散殘瘴石黝敲細乳高
 雲思同拏微徑肯獨取鶴啄柿香肥蛇竄草聲怒游人
 恒不覲濕陰况過午山雲不可分歸目瞪如瞽

卧雨

尋幽不及訪陵西野店飄風雨正啼燈夢催回驢齧草
 酒香裂出鼠偷梨寒露封樹朝無路渴井生泉近似谿
 尚想修篁同聽處離家五日算羈棲